$\sigma_{n-1} = \frac{1}{n}$

1. 18 1. 1. 1.

And the second of the second o

A STATE OF THE STA

AND AND A STORY OF A STORY

شَيْرَ شَيْرِينَ/ شَعَ سَلَّمُ الشَّهِبَاتِي الطبعة الأولَى ۲۰۱۰،

OH TOB. NET

دار اكتب للنشر والتوزيع

القاهرة ، اش المعهد الديني ، المرج

مویایل : ۱۱۰۳۲۲۱۰۳

E-mail: dar_oktob@gawab.com

المدير العام:

يحيى هاشم

فوتوغرافيا :

فنديل

تصميم الغلاف:

مخلوف

رقم الإيداع: ١٠١٠/١٤٤٥٧

I.S.B.N: 9 VA- 9 VV- £AA- . Y3- 1

جميع الحقوق محفوظة©

شِبْرشِبْرِينْ

سالم الشهباني

شعر

الطبعة الأولى

Y+1+



دار اكتب للنشر والتوزيع



شبر شبرين

تتكون من مجموعة من الأولاد، يجلس اثنان على الأرض، ويقوم كلاهما بمدّ رجليه فى مقابل الآخر، ويقوم ولد منهما بوضع يديه فوق أرجلهما على ارتفاع "شبر" ثم "شبرين" ثم "ثلاثة" ثم "أربعة"، ويقفز أفراد المجموعة فى تتابع من فوق أيدى الولدين على ارتفاع "شبر" ثم "شبرين" ثم "ثلاثة أشبار" ثم "أربعة أشبار"، ومن يلمس يد أحد الجالسين يخرج من اللعبة.



الشَّبَار



قال الشبار للبحر:

نفسی أقب
أشب شبر شبرین
شبکْلِی ایدك یا صدف وَاحْدِفْنِی ع البر
سنین والعتمة قاتلان
وشبلانی الهموم شبكانی
شب الحنین لشباكی
البحر شباكی.. وشباكی.. مانیش باكی
إذا شب الحنین.. شب.. وكان ع الهروب مضطر
شبکْلِی ایدك یا صدف... وَاحْدِفْنِی ع البر

قال الشبار للبحر!!

البحر قاله: تموت إذا فارقتني

فارق مابين عتمتي وَضَيُّ فارد سطوته ع البر

فارش نيرانه تحرقك.. وتحرق كل من فَارِرْ وفاكر ع البر

جنة.. ومَفَرّ

.

شَبُّكْلِي إيدك يا صدف... وَاخْدِفْنِي ع البر

قال الشبار للبحر!!

.....

البحر قاله: تموت إذا.. قَبِّيتُ..

العيشة ف العتمة ولا إنك تموت ع السطح

السبيل.. والسكن.. والسلم جُوَّايَا.. فلا بالصعود... تِغْتَرَ

.

شَبِّكُلِى إيدك يا صدف... وَاحْدَفْنِي ع البر

قال الشبار للبحر!!


......

البحر قاله: غوت إذا مَسَّك النور.. وِمِسْكِكُ غرور مسكين ومسكون بالحلم.. إنك تكون ومَسْكُوْكَة السِّكَك.. مَسْكُوْكَة البيوت ع البر

......

شَبِّكْلِي إيدك يا صدف... وَاحْدِفْنِي ع البر

قال الشبار للبحر: أنا خارج من سَطُوِتَك خارج أشوف النور.. وَاهُوْت!! أموت.. أكرملي من عتمتك



حرجان مرجان

تتكون من مجموعة من الأولاد، يجلسون على الأرض فى شكل دائرة واضعين أقدامهم بعضهم فى مواجهة بعض بحيث تشبه الوردة، ويقومون بترديد أغنية "حرجان مرجان. نط الديب على الخرفان.. خد خروف.. وخلى خروف.. قوم اتطرق يا مضعوف" ومن يصادف حَظَّهُ كلمةُ "مضعوف" يخرج من اللعبة. إلى أن تنتهى اللعبة بفائز وحيد، ثم تعاد اللعبة من جديد.





مرجان وغالى

وحالى حال.. كل اللي حالى

حالم.. وعالم.. نماية مآلى

فَرَدْت مَوَّالِي صارى.. وسارى ف البحر سارى

أيَّانْ يكون ف الكون مسارى

الموت وسارى.. حوالينا سارى

لا ساب قروش ولا بَسَارِی .

11

ندهنی صیادی

خطيت له خايف.. أيوه خايف

لكنى حالف.. مَا احَالِف قلبي اللي ع الدنيا وَالِف

وَآلف هروبه.. ف دروبه الخوالي

أنا جُوبْت جُوبَة

وِفْ كُلُّ جُوْبَة أَنَا شُفْت "جوبيا"

مانيش شبار

ولا "جرانة"

وَلاَ انِي "سبيا"

وَلاَ انِي بَرْدُه أُمِّ الْحُلُول

ولا يجوز..

تصطادي إلا شِبَاك جديدة لصياد عجوز ٢٠ وحيد وماشى.. جلدى قماشى
يسترى لما تكسرى غُمَّة.. والموج ينور...
والليل يواشى
تحْدِفْنِى حوجة لِسِكَّه عوجة..
الفرح موجة.. والحزن موجة
ولا حاجة فاضلة.. ولا حد فاضل
فى بحر فاضل.. أو بَرّ فاضل
الموت حقيقة.. نوصلها إحنا.. سواء فرحنا..

حياة قَصِيْرَة... قاسية وعَسِيْرَة يُنْغُزُنَا شوكها.. وتُشَبُّكُنَا شَبَكَة... صياد أرارى من يوم دخولنا... وليوم خروجنا مكتوب مصيرنا وخط سيرنا سواء بِكِيفُنَا أو الْجَبَرُنَا لازم هنوصل ف يوم آخرها... ونبقى سِيْرَة

نط الحبل

تتكون من ولدين، يتم إجراء قرعة بينهما لتحديد من سيبدأ اللعبة، والذى يبدأ يقوم بالإمساك بطرق الحبل ويبدأ في القفز عليه، وتحسب عدد النقاط بعدد اللفات، وإذا أخطأ أو تعثر في الحبل في أثناء القفز يبدأ الولد الثاني في اللعب، ومن يحقق أعلى النقاط يصبح هو الفائز.



بولا بولا



كازوزا.. بيبسى.. كولا آيس كريم ف (بولة) نَدَهِشِي بِئْت.. كانت فى الحوش تنط الحبل وتغنى: "بولا بولا" وانا ارُدّ: "باروم بلا"

الشمس تفوت قميصى وتقول للضّلّة: هيصى عروسة وده عريسى لأبوها البنت قالت. مالت ووشوشتنى وقالتلى: إياك تفوتنى.. دموعى تبل كولة أنا قولت: "بولا بولا"

وقالت لي: "باروم بلا"

٧,

مع كل نطة حبل... تنط سنيني بيًّا الحزن ف عيني طَبُّل والفرح دموع عينيًّا بَاقْتُح فی القلب طاقة...
للشمس تُخْشَنِی
کل امَّا أحلم بِبُکْرَة...
الذکری تحِشْنِی
عصفور واللیل شوارع...
مِ الوحدة مقفولة
أَبُصَ لنفسی واضحك..
وأغنی "بولا بولا"
أسمع صدا صوتی.. بِیْرُدّ: "باروم بلا"

مع كل نطة حبل.. تنقص أيامي حَبَّة وحَبَّة حَبَّة حَبَّة حَبَّة حَبَّة كَفَّة مِنْ غابوا طَابَّة كَفَّة مِنْ غابوا طَابَّة الْهَم طِيْر في حُوشْنَا.. يُلْقُطْنَا حَبَّة حَبَّة كما حَبَّة الغَلَّة يصرخ وبعزم صوته.. يقولى: "بولا بولا" يُصرخ وبعزم صوته.. يقولى: "بولا بولا" أردة: "باروم بلا"

41

وِلْعَلَ فيها عَلَّة.. أمشى الطريق بحاله على كتفى سنينى مالوا ندهنى الموت جريت .. بلياتشو فوق حباله لَعَلَ فيها فيها عَلْمَة عَلْمَة عَلْمَة أَعْنَى: "بولا بولا" أغنى: "باروم بلا" أو أغنى: "باروم بلا"

النحلة

تتكون من مجموعة من الأولاد، يقومون برسم دائرة "قطرها نحو حسة سنتيمترات"، ويمسك كل ولد يقطعة من الخشب (تشبه مغزل الصوف) مدببة السن، تُعْرَفُ باسم النحلة، ويُلَفُ عليها قطعة من الحبل، وفي آخر هذا الحبل قطعة من الصفيح غالبًا ما تكون غطاء لزجاجة مياه غازية، يحتفظ بطرف هذا الحبل في يديه. ويقوم الأولاد برمى قطعهم الخشبية داخل الدائرة عن طريق شد قطعة الحبل في اتجاه معاكس لرمى القطعة الخشبية (النحلة). والقطعة الخشبية (النحلة) والقطعة الخشبية اللعبة، ويفوز صاحب آخر قطعة خشبية (نحلة) في التوقف عن الدور، أو تتوقف أولاً.. يخرج صاحبها من اللعبة، ويفوز صاحب آخر قطعة خشبية (نحلة) في التوقف عن الدوران.



تَنُّوْرَة



أخضر

أخضر كأنى الشجر..

طارح في ليل أبريل

كأنى سور الحديد على كوبرى قصر النيل صندوق رسايل بريد شايل جواب أو صورة عصفور كنارية وحيد.. وإشارة مكسورة والليل كأنه سور.. بيعكس الصورة

أنا ف مكانى بَادُور/.. وانتى الحياة تنورة ٣٧ أصفر بلون الرياح والهشيم والهشيم بلون ترام إسكندرية القديم وماشي ودروبي.. وماشي ودروبي.. ماشية عكسي كأني الإشارة على سقف تاكسي كأني الفريسنكة ف إيدين العيال.. برايز نحاس.. وحَظّى ونَحْسِي

تذاكر لمترو لحد السادات

ونور كشافات الحكومة اللي بات.. يعاكس ف حارس من الهم عَقَّل

على كرسى أصفر

بیحرس نوادی مراکب بارات.. وتکبر ف قلبه شویة حاجات

همومه

وفقره

وحلمه اللي مات على كرسي أصفر ٣٩ ویصنغر ویصنغر ویصنغر امام المبان اللی خلفه بینخبر وتنخبر وتنخبر وتنخبر وتنخبر وتنخبر وتنخبر عند وینشف فیدنبل وینشف

ويرحل يفُوتِك ورق فی الخریف دواير ف مَيَّة بِيَكْبَر وتکیر وتکیر وتکیر وتكبر ويُوْصِل شطوطك فَيصْغَر ويصنخر ويصنغر ويصنغر ويصبح رمال ويصبح فريسكة ف إيدين العيال رياح أو هشيم تذاكر لمترو.. الترام القديم.. برايز نحاس ١٤ إشارة لتاكسى بيكسر إشارة.. ويقطع طريق اللي جاى فى العبور

فى لحظة ما قام.. صاحبنا اللي نام.. على كرسى أصفر يجيب الفطور

يِصَادِم في تاكسي ف إشارة مرور.. وكان لولها أصفر في خُطْة ما مات..

ونور كشافات الحكومة اللي بات.. لوحده الليلة دى على كرسى أصفر

أزرق

أزرق بلون الطفولة الجميلة ووَشَم ف جبينك بيضوى ويُبُرُق.. هلال لُوثُه أزرق أزرق أزرق بلون الفراشة اللي حَطَّتْ على قلبي لحظة.. وكان لونما أزرق..

أزرق بلون التوت اللي طابع ف كَفِّى بِالأَزْرَق ورُبُع الجنيه اللي باقى فى جيب قميص جينز أزرق وعفريتة زَرْقَا

في ورشة خراطة

ملابس لأمن في مُجَمَّع إداري

وَبَصَّامَة زَرْقًا في مكتب بريد... لأمى اللي داخت سنين ع المعاش

تلمّ ف بقايا اللي فَاتُه أبويًا بصبر ومحايلة وطرحة وشاش...

وكيس لُولُه أزرق

فى قلبه مَهِيَّة... بطاقة أبويا... و(كعب الحكومة).. وسَرْكِى المعاش

وصورة لأبويا وهُوَّ ف غيابه جنايني وشايل على كتفه فَاس بِيشْقَى وِيعْرَق...وِيعْرَق ف غُرْبَة بِتَاكُل في ناس... بِنَاب لُولُه أزرق.

أزرق كأنى الواد اللي قاطع جيب القميص.. عشان بنت واقفة بِتِبْكِي وخايفة تخش الطابور.. فَيِهْدِيْهَا جيبُه منديل قماش... وكان لونه أزرق. أزرق بلون الضجيج ف الشوارع وبوكس الحكومة اللى شايل غلابة بلا أى قمة على الحلم صادر بجرد طوارئ.. وتقفيل محاضر.. مجرد روتين أزرق بلون الغباء اللى شايفه ف عين (الأمين) أزرق بلون هدوم السجين أزرق بلون السنين اللى فارقه ما بينى وما بينك وبين الطُرُق أزرق بلون الحنين اللى صابنى فى لحظة ما سِبْتِك وَصَابْنِى الغرق

أهر

أحمر بلون النجوم اللي ضَوِّتُ في كُرَّاسة فيها امتحان للحساب أحمر بلون الشموس اللي ذَلَّتُ حِبَالها وراحت وحيدة في قلب الغياب أحمر بلون الحجل والكسوف على وش بنت بِتهْدِيْنِي رُوحهَا وجناحها فَاطِير وبَهْدِيْهَا روحي وبَرَاحِي تِغَنِّي كَمَا زقزقات الطيور في الغدير أحمر بلون الدماء اللي صرخت على رمل غزة في صَبْرًا وشَاتِيْلاً ومَجْدَلُ ويَافَا ومَجْدَلُ ويَافَا وحَاضِرَة وحِيْفًا وحَاضِرَة وحِيْفًا وعَكًا ونَابُلُس وعكًا ونابُلُس وباب الحليل الحدود ع الحريطة ما بين البلاد أحمر بلون الدماء ع القميص أحمر بلون الدماء ع القميص وبابل بتسقط فريسة (لحيث) بلا أي حارس

أهر بلون الحَصْبَة اللي صَابِتُ جِلْدِي في مارس شعاع شمعة حَمْرًا يزيد المكان اهرار في العيون ويمنع زيارة أخويا لسريري.. ما فيش حد غيرى في هذا المكان في هذا المكان ما فيش حد غيري

سوى راديو أحمر في طرف السرير

خيالي اللي نايم قصادي ف حيطة بجسمي الصغير.. وجسمه

الكبير

أقولُه: سلامتك

يقولّى: سلامتك

أشاور: تعالى

يشاور: تعالى

أُغَنِّي/ يغَنِّي... بلا أي صوت

وأبكى/ عيونه ما تِنْزِفْشِ دمعة

وجودي في حياته مرهون بموت

وجوده في حياتي مرهون بشمعة

أهمر بلون الصدى ع الرمال وِكُنَّا عيال طُمُوحْنَا يمامة فى شجرة كافور

وأكبر جريمة فى حياتنا نغافل غفير الجنينة.. ونسرق عَصَايْتُه ولهرب طيور..

أهمر بلون الإشارة في مرور بِتِمْنَع وُقُوفِي في قلب القصيدة وِتِجْبِرْنِي افُوت النهاية لِمُوْتِي يضيف للقصيدة الشطر الأخير ١٥

أبيض

أبيض كأنى سحابة صيف بتمر طيف ع الحياة تضحك لنور الشمس وتقول لطريق اسماحلى أصالح قصيدي قصيدي

لیلی شا، ء ق

شارع قديم بيشدي لعمر راح وسنين بريئة سنين حنونة سنين بتشبه رقصة حصابي الخشب لوحده ف البلكونة سنين بتشبه نزول الخط من ع السطر تشبه ضياع بالونة من شباك القطر تشبه ندى ع الورد

قلقان

خايف م السقوط

بلياتشو يضحك عليه جهوره وهوا بيموت يضحك لبنته يقولها :

شوفي

تتزل دموعه ف حضنها تبلل الطوفي

يرقص كما عصفور

ع النار رقص

مامتش من سجنه

مابت

من وحدته ف القفص

۹٣

أبيض كأنى خجل البنات
كشكول بتحضنه بلوزة
بياع لفل بيعاكس المر سياس
والكشافات ف عينيه
يرقص فى قلب الإشارة
كأنه بلياتشو أو راقص باليه
أبيض كأنى نور فى الميدان
بيجبر الماشيين على عبور الرصيف
حرصاً
على النجاة
على النجاة

أسود

ضلى على الأسفلت
وبدلة العسكرى السودا
اجبرونى على الوقوف صف تان
والكلام عن لون ماحبتهوش
لون يساوي
خوف من غيب مابعرفهوش
أو غياب بيساوى خوف من لون ماحبتهوش

لون يساوى طرحة أمى ودمع بيبلل هدومي لون يساوي موت غفير الدرك فى المستشفى الحكومى لون يساوى ظلم ظابط لبياع مناديل فى الأشارة بيهينه بالركل والضرب لون يساوى قسوة الواقع من النظر عن قرب

لون مابيحلنيش غير للغلابة واللي ساكنين الرصيف واللي بيموته في الطابور بحثاً عن رغيف بحثاً عن رغيف لون يسيبني كل مرة قدام سؤال أيه اللي ممكن يعمله الشعر لإنسان ضعيف؟ أيه اللي ممكن يعمله الشعر أيه اللي ممكن يعمله الشعر أيه اللي ممكن يعمله الشعر القصيدة في الشارع بتعصي ع التصنيف؟

قصيدة تشبه ندا بياع على فرشته حارس وانتظاره لسبَتْ محدوف من السادس تشبه سقوط الورق في شهر مارس في شهر مارس تشبه خريف قلقان وخصلة سودا في شعر عانس تشبه سقوطي وانكساري قدام بكا طفل بيمد أيده للناس بعلبة المنديل ب علبة المنديل قصيدة تشبه مباشرة الشارع بلا تجميل .. بلا رتوش قصيدة تشبع وقوفي صف تاني والكلام عن لون ماحبتهوش

شُفْت القمر؟

تتكون من مجموعة من الأولاد، يتم تقسيمهم إلى فريقين، ويقف الفريقان وظهر كل واحد منهما مواجه لظهر الآخر، وتتشابك ذراعا كل ولد بمقابله من الفريق الآخر، ثم يثنى أحدهما جذعه إلى الأمام رافعًا زميله على ظهره، قائلاً: "شُقْت القمر؟"، ثم يعيده إلى الأرض حيث يثنى اللاعب الآخر جذعه إلى الأمام رافعًا زميله على ظهره ويقول "شُقْت القمر؟"، وهكذا إلى أن يعجز أحد اللاعبين عن حمل زميله ويقع، فتحسب ضده نقطة، والفريق الذي يُحسَب ضده عدد أقل من النقاط يعتبر فائزًا.

... ¥ . .

شُفْت القمر؟



شُفْت القمر

مجرو ح وصايبه القلق .. من غيمة سودا اتْخَنَقْ

أم أنَّ شوقاً طرأ؟

ولاً بنات الحور

فى ليل عيونهم غرق؟

شُفْت القمر عَدَّى ف ليلى وَغَمَر قلبى عجين واختَمَر طوابى طَى "السَّمَار" ع الحيط وَصَبَحْت ضِلَ فْ بيت. أو بيت فى قلب الضِّل ضَلَّلْنِي ف القَيَّالَة. وَحَمَانِي ليل الدرب فَرَدْلِي طَرْف التُوب. قلبى فى رِحَابُه شَب طَفْل بِحُصَان حلاوة. غفير بِدَرَجِة أَب طَفْل بِحُصَان حلاوة. غفير بِدَرَجِة أَب

شُفْت القمر جمیل الطُّلَّة والشُّوفَة.. نحیف کانه عود بخور ناشف کانه عود (رَثَمْ)^(۱) رقیق کانه الطِّلَ صریح کانه الصدق خجول کانه بنت مکسوفة

(١) الرتم: نوع من الشجر ينمو في الصحراء، أخشابه من أفعنل أنواع الأخشاب التي تستخدم
 لإشعال النار.

شُفْت القمر..

بِيْعِدٌ ف القضبان وِيِتْلَخْبَط.. يرجع يعيد العد من تان أول بلادك بُكا.. داخل وَانَا مُضْطَرّ.. بقول: نَشْيْدِك مُرّ. أنَا حُرّ فى بلادك.. ولا مانيش حُرّ أضْحَك يصيبنى البُكَا.. وَابْكِي يصيْبِنِي الحَرَس أول بلادك سُوْر.. آخر بلادك حَرَس مين عَلَقِك جَرَس فى رَقَبَة فَرَس مهزوم؟ وَاخِد دروبك قِيَاسَة كَانَى خيل الحَكومة.. كَان بُعْدِك رَصاصة شفت القمر..

طالع ف عزّ الصبح فرحان

بیشرَبِ الشای بالحلیب ع القهوة... ویشتری الجُرْنَان

مَاعْرِفُش غیر الشَّقَا وقِلَّةِ الإمكان

وتسْأَلُه یقولك: زمان

کان العَرَق دافی

کان الفرَح حافی

کان الغنا كاف/ بیسند الأوطان

"ناصر" غلط.. وارد! سقط.. وارد! لكنه عمره ما خان..

وساب الحبل ع الغارب

أنا اللی شارب م العرق عُمْرِین فی قلبی الهموم مغروسة

کانی البحر مقسوم نصین... كانك عصا (موسی)

شُفْت القمر..

بايت على الشباك

كأنه عصفور ف الشُّنَّا.. والمطر أشوَاك

كان ضِلُّه الطريق.. بِيَقْطَعُه الأسلاك

على طَرْفَهَا رَقَص.. ضِلَّه رَقَص ع الأَرْض

بين الحياة والموت.. كان الطريق تُوهَة.. كان الغياب فرض

وِقِفْنَا زَىّ القمر.. اللي وِقِف عصفور.. يُرْقُص وِضِلُّه رَقَص

ع الأرض

نَمْشِي الحِياة بالطول.. ولاًّ.. نمشي الحياة بالعرض؟!

شفت القمر طالع كانه القمر أبيض أشف موصوف بنفسه وهو نفسه الوصف راجع غريب خجلان خجلان صَائِبُه عَمَى (حِيْثُ) هُدُهُدْ بلا أنباء عن مُلْك بلقيس.. مكسور كأنه النور على الجدران خايف كأنه الريح ف الطُّرُق هَرْبَان اسْوِد كأنه الليل م الوجع بِيْئِنَ مسجون كأنه ضِلَّةِ القُطْبَان في قَلْب السَّجْن ٧٠

علبة الألوان

تتكون من مجموعة من الفتيات، تقوم فتاة بدور الأم، وتقوم فتاة أخرى بدور البواب، وتقوم الأم بتسمية كل فتاة بلون من الألوان، وتبدأ اللعبة عندما تقوم الفتاة (البواب) بسؤال الفتاة (الأم) عن لون من الألوان. هذا اللون يعبر عن بنت من البنات، تقوم صاحبة اللون بالجري، وتقوم الفتاة (البواب) بالجري وراء صاحبة اللون، وإذا استطاعت الإمساك بما تقوم هذه الفتاة بدور البواب، وإذا لم تستطع تقوم الفتاة (البواب) باختيار لون آخر من الأم لتعيد المحاولة، وهكذا...



أول الأحلام



بِلادِك أُوّلِ الأحلام

أنا الماشي فُـــــ رِحَابِك ضيف

وَانَا الفايت في أرضك طيف.. خفيف الذُّكُو والذُّكُوك

وعشقك فكرة مش كاملة.. فَمِينْ يَمْلَى الفراغ بعدى إذا لم تِكْمَلَ الرحلة؟

وهل أحلى الوصول؟ أم أحلى.. الطريق.. والحلم.. والرحلة؟ وشوق سابق خُطَانًا لِغِيبٌ وفيه عَشْمَان؟ بنِسْقَط لون وَرَا لون.. وِتِفْضَى عِلْبِة الألوان/ حياتنا

القرابة المليائة

تتكون من أى عدد زوجى من الأولاد، يتم تقسيمهم إلى فريقين، وتُجرَى قُرعة يُختار من خلالها فريق أعضاؤه بحمل أعضاء الفريق الآخر فوق ظهورهم، والاتجاه بهم نحو خط تم إعداده سلفًا، والولد الذى يتعثر ولا يستطيع الوصول إلى الحقط يعاود المحاولة من جديد.. وإذا وصل إلى الحقط يفوز. ويقوم الولد الذى كان محمولاً بحمل الولد الفائز، إلخ.



قنديل البحر



رمانى البحر شَتَتْنِى لموجة غُرْبَة شَقَّنْنِى وَخَشِّنِت الحِياة... وَخَشِّنْنِى الطَّروف حَشِّنْنِى وأَشَّنْنِى الطَّروف حَشِّنْنِى بلا أهل... وبلا جِيْرة... وبلا أصحاب... وَحَشِّنْنَ لصوت أمى؛ وَحَشِنْنِى وَحَشِّنْنِى الطَّوْدِينَ أَمْنَ بَهُ مَيَّة عَشَّنْنِى حَمَلْنِي البحر على ضهره كما القِرْبَة وَقُنِي ... لغُرْبَة وَعُرْبَة تَرُقَّنِي ... لغُرْبَة وَعُرْبَة تَرُقَنِي ... واغب مانِيْش مدفوع عبوز في الشَّبَك أَلْقَى وَنِيْس لِيًّا يشاركنى حديث ممنوع يشاركنى حديث ممنوع عن البحر اللي شَرَّدْنًا ... وَدَوَّقْنَا سنين الجوع

"عزيز" تانى.. وسنين أعجف بلا "يوسف" يِفَسَّر حلم أو يعرف سنين القَحْط كام هَاتْكُون!! أنا القنديل أنا المَحْدُوف بِفِعْلِ الربح... وِفِعْلِ البُكا جهلاً ما بينى وبين عُنَائُ سهلاً أنا الأرخص... وَانَا الأَهْوَن وَانَا الوَاقِعِ م الحياة سهوًا كِرِهْنِى البحر والصَّيَّاد وَمَاقْدِرْتِشْ كَمَان.. أَكْرَه وَمَاقْدِرْتِشْ كَمَان.. أَكْرَه وَعِشْتِ العمر في العتمة كما... التَّكِرَة كَمَان كَان... مَا بينى وبين رضاى.. وِدِّ مَا بينى وبين رضاى.. وِدِّ أَسَايِرٌ هَمِّى وِظْرُوهِي... اللي مِشْ وَلاَ بُدَ وَاقُول أَهِى شِدَّة وِتُعَدِّى وَاقُول أَهِى شِدَّة وِتُعَدِّى مِمْ وَلاَ بُدَ يَانِ المَعْدَنِ السَّعَالِي... في وقت الجَدَ




أبو رياح

تتكون من مجموعة من الأولاد، يقومون برسم خط مستقيم، ويقفون خلفه في شكل مستو، وفي أياديهم قرطاس ورق.. في مقدمته ورقة مصنوعة على شكل نجمة وموضوعة على سن القرطاس بحيث تدور في أثناء جرى الأولاد، ويبدأ الأولاد في الانطلاق، ومن يسبق دون أن تقع مروحته (أبو رياح) يصبح هو الفائز.



عربية ناموس



إيه فرق.. لما طِرْنَا بدون جناح:

ضل مطلوق في الشموس؟

كنا أطفال أَبْرِيَا...

والحلم كان عَرَبِيَّةْ ناموس

إيه فَرَق؟ إيه ماكنش فى قلبنا؟ وإيه طَرَأ؟ إيه مَامِستَّهُوشْ سنين؟ وإيه فى روحنا بيتحرق؟ كنا أطفال أَبْرِيَا.. والحلم كان دبور ورق

إيه فرق.. عنى وفارق وإيه اللى باقى؟ قلبى طفل فى ابتدائى!! قلبك طُرقْ.. قلبك فصول.. دكك.. ونولْ.. قلبك كراريس ورق...!

إيه فرق؟ -عَرَّفْيْنِي- وإيه اللي مات؟ كُنْتِي ضِلِّي عليه بَاحَافِظ كنت حافظ اسمك أكتر مِنِّي يِمْكِن.. كُنْتِي إِسْمِي كنت عَيِّل.. وِالْتِي كُنْتِي بِنْتَ أَنْعَم مِن خُيُوط غزل البنات مِن إِمْتَى حُبِّك يا حبيبتى محتاج لصفحة إرشادات؟! 9 £

الحكايات

تتكون من مجموعة من الأولاد لا يقل عددهم عن ثلاثة، يتم بينهم الاقتراع عن طريق ولد يكون خارج اللعبة يقوم باختيار ولد منهم ليقوم بدور الحكّاء.. بعد أن يقوم الأولاد باختيار أسماء غالبًا ما تكون أسماء من الطبيعة.. سواء أسماء فاكهة أو أسماء أدوات متزلية وغيرها. يجلس الأولاد صفًا واحدًا، ويقوم الحكّاء بتسمية الأولاد بأسماء من خياله، ويكون فذه الأسماء دور مهم في الحكاية التي سوف ينسجها، وتبدأ اللعبة، ويقوم الولد بالحكي، وعندما يذكر اسم ولد من الأولاد (الاسم الوهمي)، يقوم هذا الولد بالوقوف، وإذا ذكر اسمه مرة أخرى.. يجلس، وإذا نسى الولد، ولم يقف.. يخرج من اللعبة، وتستمر اللعبة إلى أن يبقى واحد فقط، يصبح هو الحكّاء... وتعاد اللعبة من جديد.

جنينة القمر



صاحب بلاد



ياما كان

كان فيه عروسة بحر. كانت ضافيرها طويلة بطول البحر وكانت عينيها بلون السما الزرقا.. شفايفها بطعم الملح وكانت بتحكى الحكايات لعرايس البحر أصحابها بصوت كأنه الجنة.كانت هيا الحنة اللى بنشوفها فى خدود الشمس فى المغرب. وكانت هيا الموجة اللى بتاخد الغريق لحد الشط عشان ترجّعه لأهله. وكانت هى الرياح اللى بتعاكس المراكب بتعاكسها بس مابتغرقهاش (هى بتقول كده) وكانت هى برضه النجمة اللى بتهدى الغريب لما يتوه عن بلاده. وف ليلة من ذات الليالى خرجت عروسة البحر على الشط عشان تاكل من شجرة التوت اللى فى جنينة القمر السن وكان عنده ولد وحيد اسمه (قمر) كان متعود فى ليالى السن وكان عنده ولد وحيد اسمه (قمر) كان متعود فى ليالى التوت اللى فى الجنينة، عشان هوا البيت، كان بيطلع ينام جنب شجرة التوت اللى فى الجنينة، عشان هوا بيحب يشوف القمر وهوا التوت اللى فى الجنينة، عشان هوا بيحب يشوف القمر وهوا التوت اللى فى الجنينة، عشان هوا بيحب يشوف القمر وهوا التوت اللى فى الجنينة، عشان هوا بيحب يشوف القمر وهوا التوت اللى فى الجنينة، عشان هوا بيحب يشوف القمر وهوا التوت اللى فى الجنينة، عشان هوا بيحب يشوف القمر وهوا التوت اللى فى الجنينة، عشان هوا بيحب يشوف القمر وهوا التوت اللى فى الجنينة، عشان هوا بيحب يشوف القمر وهوا التوت اللى فى الجنينة، عشان هوا بيحب يشوف القمر وهوا التوت اللى فى الجنينة، عشان هوا بيحب يشوف القمر وهوا التوت اللى فى الجنينة القمر:

الحكايات بتقول إن القمر بيطلع من الجنينة دى وبيرجع لها الصبح لما تنتهي ورديته. وبيقولوا انه لما بيغيب آخر الشهر الأيام التلاتة. ميعاد أجازته هوا برضه بيقضى الأيام دى في الجنينة.. المهم خرجت عروسة البحر على الشط ودخلت الجنينة عشان تاكل توت، في الحظة اللي هي دخلت فيها الجنينة.. كان قام (قمر) يشوف والده العجوز. طلعت عروسة البحر على الشجرة وفضلت تنقى في التوت وتاكل وهي فرحانة قوى.. رجع (قمر) ونام تحت الشجرة، أول ما شافته عروسة البحر وهي فوق الشجرة اتخضّت وقالت: "يا رب! ازاى بس هانزل دلوقق؟! لازم أرجع قبل ضوء النهار ما يطلع وقبل القمر ما يرجع الجنينة". ومن خوفها وارتباكها وقع من إيديها كيس التوت على وش (قمر) اللي كان نايم جنب شجرة التوت، اتنفض وبص فوق، شافها قال لها: "انتي مين؟ وإيه اللي جابك هنا؟". بص في عينيها، حبها، وهي برضه حست بالأمان، وقالت له: "ممكن تترَّلني وتسيبني أمشى؟"، قال لها: "مش قبل ما اعرف حكايتك إيه"، قالت له: "أنا عروسة بحر واسمى (باسي)، أبويا البحر ومملكتي هناك

تحت الأمواج". ضحك (قمر) بصوت عالى وقال: "معقول الكلام ده؟ طب ازاى انتى موجودة هنا على الأرض؟"، قالت له: "أنا في الليل بابقى إنسية وفي النهار بابقى سمكة". صدقها (قمر) وحبها، وقال لها: "تتجوزيني؟"، قالت له: "على شرط، هتشوفني بالليل بس، وبالنهار ماتدورش عليّا عشان أنا هابقي ف مملكتي اللي تحت البحر". وافق على شرطها وبقى طول النهار يشتغل ويزرع... وفي الليل بيطلع ينور الكون كله عشان يشوف (باسي) وهي جايه... وعشان كمان باسى ماتخافش من الليل أبو جلابية... وف يوم ماقدرش (قمر) يستحمل حنينه لحبيبة قلبه (باسي) فخرج بالنهار، ودى كانت أول مرة يخرج فيها القمر بالنهار. ومن اليوم ده ماشافش (باسي) لأنه خالف الوعد اللي كان بينهم وما التزمش بالشرط، وعشان كده دايمًا بنشوف القمر حزين، ولما بيخرج بالنهار بيبقى بيخرج يدور على (باسي) ونفسه يقول لها تسامحه، هوا بس كان مشتاق لها، وبيوعدها إنه مش هيخرج تابي بالنهار بس هي ترجع...



• • •

. . .

وَانَا الغريب جَايْلِك

طالع من المكتوب

زى القمر مَايْمُوثْشِ

يَا دُوبُ بِغَيْرِ تُوبُ

زَىّ الفَرَح يُشْرُق

من بعد ليل وغروب

زَى الشموس عارفة وكاشفة كل الدروب زَى الحياة والحب والصُّدْفَة والمكتوب زَى الطريق والحِلّ و الضَّلِّ والمحبوب زَى الوقوف للجَرْح وزَى بَرْدُه الهروب زَى النَّدَى ع الورد وزَى شوك الأرض زَى المطر ف الحَرِ زَى الشموس ف البرد وزَى بَلَّةٌ رِيقٌ في عِز نَارِ الصِّيفُ زَى اللي صَاحِبُ بِلاد.. زى الغريب الضيف زَى اللي صَاحِبُ بِلاد.. زى الغريب الضيف كُتُوم كَانَى الليل واضح كَانَى النهار قَلُوق كَانَى الربح ثابت كما الأشجار قلبى اللى كان عصفور غَنَّى فَــ سَمَاكِي وطَار زَى الفَرَاش مخدوع.. بيروح لحَدّ النار زَى الفَرَاش مخدوع.. بيروح لحَدّ النار

حيطة مين دى؟

تتكون من ولدين، تتم بينهما قرعة لاختيار من سيبدأ اللعب، ومن يبدأ تُربّط عيناه بمنديل، ويقوم الولد الآخر بحمله على كتفيه، ثم يدور به على حوائط البيوت فى الشارع، ويسأله "حيطة مين دى؟" فيجيب "حيطة أبو فلان"... إذا نجح الولد فى التعرف على هذا الحائط.. يستمر الولد الآخر فى حمله، وإذا لم ينجح.. يترل، ويقوم بحمل زميله، وتحسب النقاط بعدد مرات التعرف على البيوت.



الدليل

• 1.30.10

1.0

ماشى كأنى لوحدى ف الغيمة

والعتمة حيمة ع العيون

سامع دبيب النمل ف السير!!

وفين يِخَطِّى!! وفين يكون!!

أعمى ولكن بصير..

وعارف المكنون!!

مانيش أَسِيْر عَتْمِتِي... ولا بَاخَاف الضَّلاَّم

أنا الدليل في الليل... لما يزيد الغمام

صديق الوحدة!

تِعْرَفْنِي. .

على صدرى الشموس بتنام

في قلبي عِشِينْ يَمَام. بِيْغَتُّوا للنور اللي حَاسِسْ لَسْعِتُهُ في البَوْد

خسين "كياك" اتْفَتّْتُه ع الجلد

بِجْلِدْنِي هَمِّي؛ أَبْتَسِم.. لِلْجَلدْ

تِنْزِل دموعى من الألم..

أَرْقُص

أَرْقُص كَمَا عصفور مضروب عيار م البرد 💮 💮 💮

أنا مش خطيئتي الليل.

مش خَطِيئتِي الليل

والنَّدى مش جريمة بيرْتِكِبْهَا الوَرْد

سَبَق

يقوم مجموعة من الأولاد برسم خط مستقيم بعرض الشارع، يُمَثّلُ خَطَّ بداية السباق، ويكون خط نهاية السباق حائطًا في آخر الشارع، لأنه غالبًا ما يكون السباق في شارع مسدود، ويتم تقسيم الأولاد إلى مجموعات (عن طريق إجراء قرعة)، كل مجموعة تتكون من ولدين، يتم التسابق بينهما.. ويحاولان لمس حائط النهاية، والرجوع مرة أخرى إلى خط البداية، ويقوم بالتحكيم ولد من الأولاد يكون غالبًا أكبرهم في السن، وكل ولد يفوز في مجموعة يقوم بالتسابق مع الفائز من المجموعة الأخرى إلى الفائز المرافق في السباق كله.

water.

| ing s for a few | | فد | $ \varphi \leq \varphi + \frac{1}{ \varphi } e^{\frac{-2\pi}{2}} e^{-\frac{\pi}{2}}$ | · · |
|------------------------|---|------|---|--------|
| | | | 7. st | |
| · | | | 10 Jan 20 10 40 | ٠. |
| | | | 4.7 | |
| | | | 7. | |
| | • | | | v. |
| | | | t, | |
| | | | . 1 | |

سَبَق

يقوم مجموعة من الأولاد برسم خط مستقيم بعرض الشارع، يُمثّلُ خَطَّ بداية السباق، ويكون خط لهاية السباق حائطًا فى آخر الشارع، لأنه غالبًا ما يكون السباق فى شارع مسدود، ويتم تقسيم الأولاد إلى مجموعات (عن طريق إجراء قرعة)، كل مجموعة تتكون من ولدين، يتم التسابق بينهما. ويحاولان لمس حائط النهاية، والرجوع مرة أخرى إلى خط البداية، ويقوم بالتحكيم ولد من الأولاد يكون غالبًا أكبرهم فى السن، وكل ولد يفوز فى مجموعة يقوم بالتسابق مع الفائز من الجموعة الأخرى إلى أن نصل فى لهاية السباق إلى الفائز الأول فى السباق كله.







فى ليلة عرسك المُنْذُور ذكور النحل بِثَقِلَّم.. نذور.. من زور وبِثْخُشَّ السَّبَق تِحْلَم.. عِيْنِيْكِي تزور وِائْتِی الأمیرة الزُّور والغُصَّة جُوًّا الزُّور وِحُرْقِة المَکْسُور.. وکَسْرِةِ المَجْبُور وائْتِی السُّجُون.. والسُّور.. وِنَغْزَة جُوَّا صدُورَ ونَار فی قلب الضَّلام... ضَلام فی قلب النور ونَار فی قلب الضَّلام... ضَلام فی قلب النور يا دَمْعِةِ اللَّى احْتَرَق. على باب هواكى طَرَق جَرْحُكَ فى قَلْبُه... طَرَأ يا حِيْرة الْمُلْتَقَى وحيرة المُفْتَرَق وقَشَّة اللَّى غِرِق المُوت فى فَرْشِكْ بَرَق.. أنا بَرًّا هذا السَّبَق المُوت فى فَرْشِكْ بَرَق.. أنا بَرًّا هذا السَّبَق خارج وفايت سِكْتِك .. فَايْتِك لِمُلْكِك كِدْبِتِك نِيْفِك .. زِيْفِك .. غُرُورِك .. فَصُورِك .. فَصُورِك .. فَهَارِك .. وَنُوْرِك سِيْرِك سِيْرِك وسُوْرِك وسُوْرِك وسُوْرِك فَشْرِك فَلْمَل فَلْمَل فَلْمَل فَلَامِك مِرْشِك وَرَق جَرَاحِك كَسُورِك .. عَرْشِك وَرَق جَرَاحِك كَسُورِك .. عَرْشِك وَرَق بَحَدَاحِك كَسُورِك .. عَرْشِك وَرَق بَحَدَاحِك مَرْشِك وَرَق بَعَدْ فَلَامِك مَرْشِك وَرَق بَعْدَاحِك مَرْشِك وَرَق بَعْدُ فَلَامِك مَرْشِك وَرَق بَعْدُ مَرْقِك مَرْشِك وَرَق بَعْدُ مَرْقِك مَرْشِك وَرَق بَعْدُ فَلَامِك مَرْقِك مَرْشِك وَرَق بَعْدُ مَرْق بَعْدُ مَرْق فَلْمِك مَرْشِك وَرَق بَعْدُ مَرْق فَلْمَ لَكُلْمُ وَرَق فَلْمُ لَكُلْمُ فَلْمُ لَكُ مَرْسُك وَرَق فَلْمُ لَكُ مَرْسُك وَرَق فَلْمُ لَكُلْمُ فَلْمُ لَكُ مُنْ فَلْمُ لَكُ مَرْسُكُ وَرَقَ فَلْمُ لَكَ مَرْسُك وَرَق فَلْمُ لَكُ مَرْسُك وَرَق فَلْمُ لِكُ مَرْسُكُ وَرَق فَلْمُ لَكُ مَنْ فَلْمُ لِكُ مِنْ فَلْمُ لِكَ مَرْسُكِ فَلْمُ لِكَ مَرْسُكُ وَرَق فَلْمُ لِكَ مَنْ فَلْمُ لِكَ مُنْ فَلِكُ فَلْمُ لَكُ مِنْ فَلْمُ لِكُ فَلْمُ لِكُ فَلْمُ لِكُ فَلْمُ لَكُ فَلِكُ فَلْمُ لَكُ فَلْمُ لَكُ فَلْمُ لِكُ فَلْمُ لِكُ فَلْمُ لَكُ فَلْمُ لَكُ فَلْمُ لَكُ فَلْمُ لِكُ فَلْمُ لِكُ فَلْمُ لِكُ فَلْمُ لَكُ فَلْمُ لَكُونُ لْكُونُ لَكُونُ لِكُونُ لَكُونُ لَكُونُ لَكُونُ لِكُونُ لَكُونُ لَكُونُ لَكُونُ لَكُونُ لَكُونُ لَكُونُ لَكُونُ لَكُونُ لِكُونُ لَكُونُ لَكُونُ لِكُونُ لَكُونُ لَكُونُ لَكُونُ لَكُونُ لِكُونُ لَكُونُ لَكُونُ لِكُونُ لِكُونُ لَكُونُ لِكُونُ لَكُونُ لِكُونُ لَكُونُ لَكُونُ لَكُونُ لَكُونُ لِكُونُ لَكُونُ لَكُونُ لِكُونُ لِكُونُ لِكُونُ لِكُونُ لَكُونُ لَكُونُ لِكُونُ لَكُونُ لِلْمُ لِلْكُونُ لِكُونُ لِكُونُ لِكُونُ لِكُونُ لَلْكُونُ

الأَكْلَة

تتكون من ولدين، يقوم كل ولد منهم باختيار ١٢ حجرًا، ويشترط عدم تشابه أحجار الخصمين حتى يستطيع كل ولد تمييز أحجاره، ويقومان برسم مربع مكون من ٢٥ خانة، ويقوم كل ولد منهم بوضع أحجاره في المربعات (على ثلاث مرات)، وكل ولد يلتزم بدوره في وضع أحجاره الأربعة التي تخصه محاولاً وضع أحجاره أولاً في الخانات التي في الأركان حتى يتمكن من جعل خصمه مسجونًا بين أحجاره، الأركان حتى يتمكن من جعل خصمه مسجونًا بين أحجاره، وكل مجموعة من الأحجار تقع بين حجرين للخصم يكون من حق هذا الخصم أن يكسبها، ويخرجها من اللعبة، وهكذا إلى أن تنتهى اللعبة بفائز.



ريمورا

ماشيه في ضل القرش ماشيه

والقاشيه معدن

والحالة فل

مابين سنانه بلاقى قويي

ولا مرة م الترحال بمل

في يوم ندهني البحر قالي

مابتخفيش

لحسن تموتى

انا قولت موتى حياتى

حياتي

موتى

واديني ماشية

فی عیْنِی وَرْدَة وفْ قلبی وَرْدَة بَاهْدِیْهَا لِلّی خَالِقْنِی هُوَّ... وِبَامْشِی فْ حِمَاه ۱۳۲

فی کل یوم بَاخْرُج وِبَارْجَع تِلْقَانِی أَشجع من اللی قَبْلُه الموت بَاقَابْلُه فی کُلّ طَرْفَة لَکِنُه عُمْرُه ما بْییْجِی صُدْفَة الموت ده شُرْفَة علی الحیاة..

صيادين السمك

تتكون من أى عدد زوجى من الأولاد، غالبًا لا يزيد عن ستة ويتم تقسيمهم إلى فريقين: فريق يصبح الصياد، وفريق يصبح السمك، ويتم تقسيم الفريق الصياد إلى مجموعتين يقفون متواجهين على مسافة (غالبًا لا تزيد على عشرة أمتار)، ويقف فويق السمك بينهم، ويحاول الفريق الصياد رمى الكرة على فريق السمك، وإذا استطاع هذا الولد أن يمسك الكرة دون أن تلمس الأرض تحسب نقطة.. وإذا لمست الكرة ولدًا من فريق السمك يخرج من اللعبة.. وهكذا إلى أن يخرج كل الفريق، ويتبادل دوره مع فريق الصيادين الذي يصبح بدوره فريق السمك، ويقوم فريق الصيادين بمحاولة اصطياده، إلخ.



صَيَّاد



صَيَّاد وصادي البحر.. صَادْنِي.. وَهَمَّ.. هَمَّ في الليل حَصَدْني

قَتَحْت بابى لِنُور قَاصِدْنِي.. الليل وَصَدَّنِي.. رِمَالِي طُعْم... الليل وَصَدَّنِي.. رِمَالِي طُعْم... العِشْق طَعم البعد.

البعد طَاعْنِي وَطُوعْتُه عُمْر

فَصَبَحْت زَى تُورس وحيد لا عاد لُه بَرّ... ولا عاد لُه بَحر ۱۳۹

صَيَّاد.. شَبَاكِي ع البحر وَالِف.. وَالغَزْل عُمْرُه ما كان مخالف..

> البحر مالى.. ومَالِي غِيْرُه.... وغِیْرُه.. عمری ما کنت عارف ۱٤٠

صَيَّاد وبِيْتِي في البَحر قَارِب والبحر أوْضَة شِبَاكِي شَائِلَة "أبو نقطة سودا" وِشَائِلَة (السيجان) الفَرْح بَان. فَنَار في "غَارِب" تَاريخي بَحْرِي.. أنا مِنَّه شَارِب تَاريخي بَحْرِي.. أنا مِنَّه شَارِب

صَيَّاد.. شِبَاكى ع البحر طرحة.. والطرحة طارحة فى القلب فرحة. يا فَرْحَة تِمِّى.. وهَاتِى اللي غايب.. 187

صَيَّاد.. وقَلْبِي شَبَكْ مِفَتَّحْ.. من طول غِيَابَكْ مَا عَدْشِ يفْرَح..

مَا عَلَاشٍ صبر على بُعُد يِفْلَح..

مَا عَلَىٰشِ غيرِ الْحُزْنَ يِجْرَح..

"يوسف" بَعَت لأبوه قميصه... من رِيْحُه عَاد لُه النور وِفَتَحْ. ١٤٣



النُّقْرَة

تتكون من ولدين، يقومان بحفر حفرة صغيرة.. عمقها لا يزيد على شسة سنتيمترات، واتساعها لا يزيد على شسة سنتيمترات مربعة، ويجلس الولدان متقابلين، ويقومان بإجراء قرعة لتحديد من سيبدأ باللعب.. والذي يبدأ يضع عددًا من (نوى البلح)، ويضع الولد الثاني نفس العدد، ويقوم الولد الأول بالإمساك بنواتين من البلح يضعهما متعاكستين، ويقوم بوميها بشدة في الحفرة، فإذا خرجت نواة خارج الحفرة، وظلت الأخرى في الحفرة.. يكسب الولد ما في الحفرة من وظلت الأخرى في الحفرة.. يكسب الولد ما في الحفرة من (نوى البلح)، وإذا خرجت النواتان من الحفرة، أو بقيتا داخلها.. يخسر الولد، ويضع نواتين في الحفرة، ويلعب الولد الآخر، وهكذا إلى أن يخسر أحدهما ما لديه.



فَرِيْسَة



طالع بَاعَافِر.. وخوقی کافر غَافِر فی روحی کل الموانی یخدِفْنِی موجی ع البر اسافر القانی راجع للبحر تابی راجع فریسة.. والروح سجینة وجراحی واقفة.. قضبان حدید من یوم میلادی وانا فریسة مولود فریسة... وإیه الجدید؟

الدنيا بحر.. والبحر دنيا يَاخُدْنَا مُوجُهَا وموجها عالى عايش في حالي وحالي عيشي ئيشى "رُحَالِي" بالْمُرَ حَالِي شَدِّيتْ رِحَالِي.. ع البرّ يمكن أَلْقَى "رَاحَة لِي" طَحَنّى مُوجِي طَحَن الرَّحَى لِي بَعْتَرْنِي رِيْحِي في لِيْلَة صِيْفِي من ليل زمايي 10.

أنا شُفْت موتى

ناديت...

وصوتى..

کان مِنّی رایح

فَرُوحْت رَايِح... لِمُوْتِي جَامِح

كَأَنِّي طَلْقَة مِنْ بندقية

كَأَنِّى طِيْرَة ومُوْتِى غِيَّة

والغيَّة إِنِّي أَشُوفُه خَايِف

كَأَنَّه طِيْرَة مِنْ بندقية

كَأَنَّه شَمْسُه طَارِدْهَا ضلّ

أُوِّلْ ضَلَّ خَايِف مِنْ شمس جَايَّة

أَو مُوج مِفَارِق –خَلاصْ– شُطُوطُه

كَأَنِّي..

مُوْتِي

بِیْسَاوِی مُوثَّه

قَاضِلَ نُوَایَة فی جیب بِجَامْتِی
هَازْرَعْهَا بِمْکِن ضِلاًیَة تِطْرَح.. وِیْبَقِی شَجَرَة
هَازْرَعْهَا بِمْکِن ضِلاًیَة تِطْرَح.. وِیْبَقِی شَجَرَة
علی جِرِیلاًهَا عَصْفُور بِغَنِّی لِلشَّمْس تطلع
فی کُل شارع
"رفعت" بِرتُل
وصوته طالع
من الرَّدَاوِی
من الرَّدَاوِی
دیجة بخور...
بخورنا "جَاوِی"
فَاکَة العراوی کل البیوت

كل البيوت فَاكَّة العراوى وَانَا اللي غاوى أفضل غريب تُشرُق شموسى وَانَا بَاغِيبْ يِعَدِّى عُمْرِى وَانَا بَاغِيبْ يَعَدِّى عُمْرِى وَانَا بَاغِيبْ "كَالَّه لِيُل فى صيف "أبيب" "يعَدِّى عمرى وَانَا بَاغِيبْ "يعَدِّى عمرى وَانَا بَاغِيبْ "وَيَّا شمس المعيب بَاغِيبْ ... * وَإِنَّا شمس المعيب بَاغِيبْ ... * وِائْتِى بتُشرُقِى وَانَا بَاغِيبُ ... * وِائْتِى بتُشرُقِى فى العالم الغريب وانتى بتُصْدُقِى فى العالم الغريب وانتى بتُصْدُقِى "فى العالم الغريب وانتى بتُصْدُقِى"

^{*} شمم المغيب : غنوة للفنان محمد منير .



دَخَلْنَا الشُّقّ

تتكون من مجموعة من الأولاد، يتم إجراء قرعة بينهم لاختيار لاعب يصبح هو القائد أو الأب الروحى، ويجلس بقية الأولاد في دائرة، ويقوم كل ولد منهم بمد إصبع السبابة في مركز هذه الدائرة، ويقوم الولد القائد بترديد جملة "دخلنا الشق"، فيقوم الأولاد بمد سبّاباهم في مركز الدائرة، ويقول: "خرجنا من الشق"، فيرفعون أصابعهم عن مركز الدائرة، ومن يخطئ يخرج من اللعبة... إلى أن يبقى ولد واحد هو الذي يصبح القائد في اللعبة الجديدة.

سردين



سردین.. سَرَایْتِی البحر.. سَارًانِی.. وصَارًانِی.. فِی عِزّ الكَسْرَة نَاصْرَانِی عَاصْرَانِی عَاصْرَانِی عَاصْرَانِی وَآسْرَانِی... لِحَلّا البَرّ علی الموجة اللی عَاصْرَانِی.. وَآسْرَانِی... لِحَلّا البَرّ حَادْفَانِی.. لِحَدّفی انِی وَافَانِی الموت.. وأوْفَانِی.... کتیر الأهل والعِشْرَة... وعَشَرَة بِقَرْش یَا سَرْدین..



فى بُقَ القرش ليه صابرين.. على الحوجة؟ تَشَايِر سِرْنَا فى الموجة وفى الهوجة حَصَدْنَا الهَمَ رِخِصْنَا.. وقَلَّتِ القيمة وزَادِ الْكُمَّمَ

قَرِيسة سهلة للضَّيَّاد.. ولِلْقِرْش.. وطيور البحر وزَاد لحيتان.. عُشُوشُهَا هناك.. في قلب الصخر والأمواج بنِسْبِح في المياه أفواج.. ونظهر في السنة كام شهر!

منْدُو

تتكون من مجموعة من الأولاد، يقومون بإجراء قرعة بينهم لاختيار ولد يقف على حائط مغمضًا عينيه بيديه، ويقوم بترديد كلمة "مِنْدُو مِنْدُو"، فيرد عليه الأولاد، "آه يا سلام" في أثناء قيامهم بمحاولة الاختفاء. وإذا لم يستطع الولد الوصول إلى ولد من الأولاد المختبئين، ونجح الأولاد فى الوصول إلى الحائط دون أن يراهم الولد فإنه يعيد المحاولة مرة أخرى، وإذا استطاع الوصول ورؤية ولد منهم.. يتبادلان الأدوار، ويقف الولد الثانى أمام الحائط، وتبدأ اللعبة من جديد.



غَزْل مُخَالِف



مِنْدُو.. مِنْدُو آه یا سلام! قلبی المَطْلُوق آه یا سلام! مفکوك من طوق

.

طوق الأيام

.

والليل والحؤزن

.

كحسروا الرَّمَتَان

.

ومشيت بِفَالُوكْتِي

البحر شبكتي

.

والموج مجاديفي

يقاسمني زغيفي

....

صاحبي وحليفي

.....

على ريحي موالف

حزبی یا صیاد

يابو غزل مخالف

وَالِف على غيرى

أنا قلبي أميرى

مش میْرِی ومَلَکِی ورئیس تفکیری

راسمالی فٔ۔ سمکی

• • • • • •

وشقايا الشوك

• • • • • •

ع القارب شبكى

• • • • •

(بوری) (ومبروك)

رزقى على المولى

....

والمولى كريم

• • • • • •

14.

بنسمكي النيل

.....

ف بلدنا البحر

.

وحكاوى كتير

.....

عن ليه بيفيض

.

في بؤونة البحر؟

أوزوريس مقتول

•••••

راعى وصياد... في إيدينه عصاه

.

البحر إيزيس

.

البحر سماه

.

تبكى فَيْفِيضْ البحر سيول

.

البحر حياة

....

البحر صديق موسى في صباه

.....

البحر صديق موسى ما عَصَاه

.

البحر صديق موسى وعصاه

.

اِسْتَنْجِد بيه... حَمَلُه وعَدَّاه ۱۷۳

في العش ولاً طارت؟

تتكون من ولدين، يقومان بإجراء القرعة بينهما لتحديد من سوف يبدأ، والذى يبدأ يقوم بالإمساك بقطعة صغيرة من الحجر في يديه محاولاً إخفاءها، ويقوم بلف يديه بشكل سريع جدًّا، ثم يتوقف، ويسأل الولد الثانى: "في العش ولا طارت؟" (قاصدًا قطعة الحجر الصغيرة)، فإذا ردَّ الولد وقال: "في العش" وكانت بالفعل قطعة الحجر في يد الولد تُحسَب له نقطة، ويقوم هو باللعب. والعكس بالعكس، فإذا أخطأ في تقديره تُحسَب للآخر نقطة، وهكذا.

غنوة التعبان



ياء

تاء

ياء

هیم...

مولود يتيم

الأب

والأم

محدوف فى بِيْر الْيُتْم مِتْصَابِ بِدَاء الصَّبْر ع الظُّلم.. القديم وَارِث خُصُوعى.. وانكسارى.. والبُكا.. والهَمّ.. مع كل غيم.

ياء

ياء

مولود يتيم الأهل.. مِتْهَان.. مَرْمِي فْ مياه ضَحْلَة والرحلة م المالح لحد العَذْب.. مش سهلة.. ولا وَحْدُه الحنين كافي.

یاء

تاء

ياء

هيم...

مولود يتيم الأهل والجيرة..

صديق الغُربة والحيرة..

مابين حياتين: مابين العذب والمالح

مابین الهادی والجامح..

أنا بْشَكْلِينْ

141

ياء

تاء

ياء

ميس . . .

فى لحظة نشوتى عارف بأبى هَامُوتُ


ونازل عَتْمِتِي رَاضي.. سعيد مبسوط

أنا عَدِّيتٌ على الدنيا.. وسايب صوت

هَيِعْرَفْنِي الطريق.. وابني.. هَيحْفَظ غِنْوِتِي في الموت ١٨٢

شدّ الحبل

تتكون من مجموعة من الأولاد، يتم تقسيمهم إلى فريقين، يُرْسَم بينهما خط فاصل. يمسك كل فريق بطرف الحبل، ويحاول أن يتشبث به جيدًا، وأن يجذب الفريق الآخر تجاهه، وإذا نجح فريق في شد الفريق الآخر ليتخطى هذا الخط. تُحسَب للفريق الأول نقطة.



عروسة خشب



ماهيش حَاوُّجَة

بُكَا ودموع

سُيُول ع الحَدَ

وِإِيَّه يَعْنِي

بتِجْرَحْنَا..

تِمَرْ جَحْنَا؟

ساعات رايقة

وساعات تشتكة

هيّ كِدَه الْحَيَاة

كِدَه الحياة

الله جاب.. الله خَد

وايه يعنى بُكَايَا شَدَّنِى شَدّ فَفَنَّيْتِك؟ وليه اللَخْبَطِ المعنى.. بَدَل ما أَكْرَهِك حَبَّيْتِك؟ وليه خَبَّيْتِك عَنِ الماشيين وعِشْقِك فى العيون نَشَب؟ بَقِيْتِى كُل أحلامى... بَقِيت عَنْدِك عروسة خشب بقيت مملوك وطُوع الأمر.

کده...

يوْضَح المعنى

أنا العصفور اللي

راح سجنه

فی کامل نشوته راضی.. ومش مضطر ۱۸۹

كده... يِكْدِب الشَّاعِر مافيش عصفور يروح للسجن بإرادته ولو سِجْنُه دهب حُرَّ

كده هَتِحْتَاج القصيدة سَطْر يوضح توهة الشاعر عن المعنى ويوصف غربة عن النص 191

مَنْمُرَ بنت ع القصيدة وتِقْسِم ضِحْكتِي م النَّصَّ ويَبْقَى وجودها مش هَامِش.. لَكِنَّه ضَرُوْرَة لاكتمال النَّص

مثل مصر في

الموتمر النولى للشباب العربي في الشعر والقصة

بسلطنة عمان علم ٢٠٠٩

- مثل مصر في مؤتمر الإخاء الشبابي بين مصر والسعودية

بالمملكة العربية السعودية عام ٢٠٠٩

عضو في

نجنة تحكيم مسابقة كتاب جديد ف السوق في شعر العامية

لجنة تحكيم مسايقة نشر جماعى لشعر القصحى والعامية

لجنة مسليقة بيت العينى نلطفل لإلقاء الشعر فصحى وعامية

الفهرس

*

| المشكار | |
|---|---|
| مرجان | |
| بولا بولا بولا بولا بولا بولا بولا بولا | • |
| تَنُّوْرَةَتُوْرَةَ | |
| شَفْت القمر؟ ٥٩ | |
| أول الأحلام ٥٧ | |
| قنديل البحر ٨١ | |
| عربية ناموس عربية ناموس | |
| جنينة القمر | |
| الدليلا | |
| سبق | |
| 191 | |

| ريمورا | ••••• | | | ٠ | 1 7 9 |
|------------------|-------|---------------------------------------|---------------------------------------|----------|-------|
| صيًّاد | | · · · · · · · · · · · · · · · · · · · | | , | 144 |
| فَرِيْسَة | | | · • • • • • | ' | 1 £ Y |
| سر دین | | ••••• | | <i>t</i> | 104 |
| غَزْل مُخَالِف!! | | · • • • • • • • | | s | 174 |
| غنوة التعبان | | | · · · · · · · · · · · · · · · · · · · | / | 177 |
| عادسة خثب | | | | ì | ١٨٥ |

